

Arkiv	Saksbehandlar	Møtedato	Sak nr.
642.0	Knut Øyjordet	15.03.18	8/18

**REVIDERING AV FISKEREGLANE***Saksdokument:*

1. Sakene 19/15 og 11/16 i fjellstyret med vedlegg.
2. Innspel frå styret i Vågå JFF, e-post av 07.03.18.

*Saksutgreiing:*

I førre revidering av fiskereglane, vedtok fjellstyret følgjande i sak 19/15:

*Fjellstyret vedtek følgjande endringar i reglar for fiske med garn for innanbygds frå 2015 og inntil vidare:*

- *Gjende: Garnfiske kan også skje i juli. Garngrensa blir fløtt nærmere Gjendeosen, frå ca. 1 km til ca. 2-300 meter frå båtbryggja.*
- *Bessvatnet: Talet på garn blir heva til 7 garn pr. kort.*
- *Nedre Leirungen: Talet på garn blir heva til 7 garn pr. kort.*
- *Øvre Sjodalsvatnet: Talet på 39 mm garn blir heva til 7 garn pr. kort.*
- *Nedre Sjodalsvatnet: Talet på 35 mm garn blir heva til 7 garn pr. kort.*
- *Surtingen: Talet på 35 mm garn blir heva til 7 garn pr. kort. 1 garn på 29 mm og 1 garn på 24 mm blir fjerna.*
- *Flatningen: Talet på garn blir heva til 7 garn pr. kort.*

*På Lemonsjøen, Kvitingen og Flatningen blir tida for oter- og garnfiske, og doring utvida frå 10. til 15. september. Dette gjeld også for utanbygds som dorgar på eitt eller fleire av desse tre vatna, eller som fiskar med oter på Kvitingen.*

*Det blir opna for oterfiske for utanbygds på Bessvatnet, Øvre Sjodalsvatnet og Nedre Sjodalsvatnet. På Bessvatnet er oterfiske for utanbygds lov berre frå land. Tilbodet om oterfiske på Øvre og Nedre Sjodalsvatnet blir som ei prøveperiode på inntil tre år.*

Ang. prøveperioden for oterfiske for utanbygds på Øvre og Nedre Sjodalsvatnet, vedtok fjellstyret i sak 11/16:

*Fjellstyret viser til saksutgreiinga og vedtek at prøveperioden for fiske med oter for utanbygds på Øvre Sjodalsvatnet gjeld i tre år, dvs. til og med 2017. Fjellstyret meiner at dette også bør gjelde det kommunale vatnet Nedre Sjodalsvatnet, og fjellstyret rår difor kommunen til å vedta ei prøveperiode fram til og med 2017 også for dette vatnet.*

Kommunen vedtok også at prøveperioden skulle vare til og med 2017.

Etter at fiskereglane vart revidert sist, har fjelloppsynet utført ei ”enkel” prøvefisking på Surtingen, Slomtjønn, Birisjøen, Øvre Birisjøtjønn og Griningsdalsvatnet, dvs. fiske med prøveseriar utan at det vart tatt prøver av fisken. Det er også gjort ei registrering av talet på båtar på Øvre og Nedre Sjodalsvatnet i juli 2016 og juli 2017.

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

Styret i Vågå JFF har sendt følgjande innspel i samband med revidering av fiskereglane:

*Der det er grunnlag for det på fiskevatn i Langmorkje statsallmenning opne for:*

- *sette garn på fleire vatn same natt.*
- *sette garn frå isen er borte om våren.*

*Vurdering:*

Eit mål må vera å ha eit rikt og variert fisketilbod både for innan- og utanbygds, som gjer at ein kan hauste av fiskeressursane, men på ein slik måte at fiskebestandane er bra store og med god kvalitet på fisken. Dessutan er det viktig at ulike former for fiske kan skje på same tid utan at det blir konfliktar, og reglane må vera greie å handheve. Det er litt dalande interesse for fiske som fritidsaktivitet, og det blir ei stor utfordring i åra framover å halde oppre interessa, spesielt blant dei yngre. Eit godt og variert tilbod for alle utan altfor strenge restriksjonar er difor viktig, noko som også reiselivet bør setje pris på.

Både kommunen og Vågå JFF var positive til fjellstyret sitt forslag om endringar i fiskereglane sist. Prøveordninga med oterfiske for utanbygds på Øvre og Nedre Sjodalsvatnet har vist at det ikkje har vorte stor pågang. Men ein liten auke i salet av korttypen ”Stong, oter, garn” for utanbygds siste tre åra, kom nok som ein konsekvens av utviding av tilboden om oterfiske. Sidan det ikkje er registrert mange negative tilbakemeldingar, bør dette tilboden vidareførast inntil vidare.

Elles må ein seie at fiskereglane generelt har ”gått seg til”. Det er behov for nokre endringar i maskeviddebruk (Surtingen og Birisjøen). Vågå JFF ønskjer at det kan opnast for å kunne sette garn på fleire vatn same natt, samt tidlegare start for garnfiske på våren/forsommaren. Dersom dette skal imøtekoma, så bør forslaget om fisking på fleire vatn gjelde vatn som det er ønskjeleg at det blir fiska hardare. På Heimfjellet gjeld det Melingen, Surtingen, Veslvatnet og Slomtjønn, og i Sjodalen Nedre Birisjøtjønn, Birisjøen og Griningsdalsvatnet. Det kunne gjerne også omfatta Brurskarstjønn og Øvre Leirungen, men i praksis blir det pga. avstandane, vanskeleg å fiske med garn på desse vatna same natt som på eit anna vatn.

Fyrste periode for garnfiske er i dag 15. juni – 30. juni. Start for garnfiske bør generelt vera ein dato, og ikkje etter føreforholda. På Heimfjellet kan ein gjerne opne for garnfiske på dei nemnde fire vatna den 1. juni. I Sjodalen der det normalt er seinare isløysing, og bilvegane blir opna seinare, så bør startdato for garnfiske framleis vera 15. juni. Å starte garnfiskering 1. juni medfører at otring og dorging da kan skje berre mellom kl. 10 og kl. 16 i heile juni.

Sidan det nå blir lagt opp til ei høyring, kan det vera greitt å lansere nokre forslag til endringar, for å kartleggje synspunkt. Døme er å utvide tida for stongfiske til 10. oktober, slik at ein kan fiske med stong også i haustferien, som normalt er fyrste veka i oktober i vårt distrikt. Dessutan kan gjerne garnfiskesesongen på Gjende bli utvida endå meir, utan at det går seg utover gyte-”bestanden” (gyter seitn der). Ein del som dorgar på dei store vatna, ønskjer at tida for dorging blir utvida på eftassida, spesielt for august månad når det ennå er ferietid for ein del. Å utvide dorginga til for eksempel kl. 18 vil medføre at tida for garnsetting da må utsettast til kl. 18. Aktuelle vatn vil vera Flatningen, Lemonsjøen og Nedre Sjodalsvatnet, og det er naturleg at dette også da vil omfatte otring.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

**Innstilling til vedtak:**

I revidering av fiskereglane, foreslår fjellstyret følgjande endringar frå 2018 og inntil vidare:

- Oterfiske for utanbygds på Øvre Sjodalsvatnet og Nedre Sjodalsvatnet blir vidareført.
- Det blir opna for at ein ved fisking med fastståande reiskap på eit vatn, anten kan fiske på eitt av følgjande vatn i tillegg same natt: Melingen, Surtningen, Veslvatnet, Slomtjønn, Nedre Birisjøtjønn, Birisjøen og Griningsdalsvatnet, eller på to av dei 7 nemnde vatna same natt.
- Det blir opna for garnfiske frå 1. juni på Melingen, Surtningen, Veslvatnet og Slomtjønn.
- På Surtningen blir det opna for fri maskevidde og auke talet på garn frå 7 til 8 (gjeld innanbygds, krav om minimum 35 mm`s garn i dag).
- På Birisjøen blir kravet om å nytte 24 mm`s garn oppheva (gjeld både innan- og utanbygds).

Fjellstyret vil også høyre på følgjande forslag til endringar for å kartleggje om det er vesentlege merknader:

- Utvide stongfiskesesongen til 10. oktober (25. september i dag).
- Utvide tid for garnfiske på Gjende til 5. oktober (25. september i dag).
- Utvide tida for dorging og otring på Flatningen, Lemonsjøen og Nedre Sjodalsvatnet til kl. 18 gjeldande for heile august. Tidspunkt for utsetting av garn på desse tre vatna blir da endra frå kl. 16 til kl. 18 (i august).

Før endeleg behandling blir forslaget forvarsla på heimesida til fjellstyret og sendt på høyring til kommunen og til Vågå JFF, med høyningsfrist 27. april. Fjellstyret vil arrangere eit ope møte i samband med revidering av fiskereglane, som blir torsdag 12. april kl. 19.00 på kommunestyresalen.

**Vedtak:**

Samrøystes: Som innstillinga.

*Rett utskrift. Går til:*

Vågå kommune

Vågå JFF v/Bjørn Andrè Lusæter

Vågåmo, 15.03.18

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no